書

然至

注

上八軍 戰于甘乃召六卿 者 注卷之四 日大戰于甘以深著有扈不臣之罪按甘在 (與天 **郭縣甘水甘亭葢西方** 親征之天子之 四方有變專責之方伯方伯 香型主法と同 出 而叉書大戰于甘則有扈之怙 千抗衡豈特孟子所謂六師移之 兵有征無戰今陷既親率 諸侯 也時夏 不能計 金履 强 都

征則各率其鄉之一萬二千五百人而屬於 各掌其鄉之政教禁合而屬於大司徒有事 之三事也威侮五行者暴殄天物一說不順 司馬所謂軍將皆卿者是也意夏制亦如此 行之理猶所謂狎侮五常也二正舊 六事之人謂六鄕之卿六卿日六事猶三公謂 大勢論之不為小變矣六卿六鄉之卿也按 [嗟六事之八子 誓告汝有扈氏威侮五行怠 鄉大夫每鄉鄉一人六鄉六鄉平居無事則 国アボーングーベー 周

左右御皆五伍之長在車者也汝六事之人也汝不恭命 天用躺袍其命今于惟藏行天之罰左不攻于左 之天子六軍則七萬五千人凡三千兩先王之軍則一萬二千五百人蓋五百兩也鄉一人統主射右主擊刺中御馬蓋每兩之長也一鄉一 三人步卒七十二人則三其兩其甲士三人左 古者車職之法五人為伍五伍為兩一車甲士 不恭命右不攻于右汝不恭命御非其馬之正 之正道 THE WALL SEA VICE

用命 軍 師 列故能 惟責之 職其事皆 右 然 兩以下則其長自治之 祖不 子巡 為不 各攻其事 則天子出征必載遷廟之主與 卿鄉各督其所部然亦至兩之長 死於射右死於 用命 一陽也故賞于祖 狩 敗之 日 一数不 :以遷廟主行征伐亦然軍行 師 **戮于祉予則孥戮汝** M 此先 恭命蓋責之卿也天子治 不以詭遇為功非惟師 刺甲者死車步者 此軍制之分數也 之軍法也左右 社

嚴故誓師之詞云爾師之必用賞罰古今所同 **共妻子所謂其孥男子入于罪禄女子入于舂令衆不曰戮罪不至殺而令衆亦曰戮拏戮及** 調 **稾是也古者罪人** 也至若左右不踰必正此則王者之師而已 社戮辱也戮非為殺之凡罪以合衆皆戮 殺而戮之 彗型主とグロ 所謂賜死而亡戮辱凡殺而不以 不孥而 此 日孥戮葢軍法尚 也 所

太康尸位以逸豫滅厥德黎民咸貳 聖人之於民不啻父母於子其在太康循父母 傳至歇亦賢能敬承太康尸位而旣爲逸豫 黎民咸貳見所未見也葢自五帝以來 民所未見也故疑而貳爲又自堯舜禹以來數 禹之德在民深矣今一再傳 亦可省於此 而不仁之况暴棄之則父母之思爲何如 **善經注卷之四** | 叛侍祖宗德澤之厚而不知自反者 康始 四 為逸 聖聖相

民弗忍 盤遊無度收于有洛之表十旬弗反有窮后羿 逾洛之 稱后羿自 志也羿者有窮之 都 夷羿也 河 因夏民距 河 不使反國 北 外 距于 鉏遷于窮 流連 康遊 于河者即所謂代夏政益距太 河 國 故日有窮因民弗忍者即傳 而羿遂據夏舊都以代夏偕 君 十旬而弗反此羿 田無度逾河之南叉自 世善射 石因民以 亦以世官 代夏政則 所 因 河 所 而

其一 厥弟五人御其母以從徯于洛之汭五子咸怨述 禹之戒以作歌 **述大禹之戒而為歌也下文五章自是其辭** 復國故于洛汭而不至洛表徯而不返哀宗國 難迹大康所之逾河而南以從之望太康以圖 者以五子各為一章然首尾相應或其為之其 之顛覆痛且稷之危亡親親之怨不能自遏故 太康在外忘反而羿入都篡國故五子御毋避 一日皇祖有訓民可近不可下民惟邦本本固 其二者歌節非指五子也 書經注卷之四 Ħ.

馬為人上 窗子視 **圆叶杜馬叶姥一人三失之下似逸一句章末** 此章述大禹之 明不見是圖子臨兆民懷乎若朽索之馭六 章亦大馬之 一訓有之內作色荒外作禽荒甘酒嗜音 則五子之 一者奈何不敬 天下愚夫愚婦 此未或不亡 詞也與皇祖有訓自相 戒躁枯以為 訓五子檃 能勝予一人三失 歌下叶戸子叶 也

其四 關 底滅 稱也關通和平聖人所以 滅 唐帥彼天常有此冀方今失其行亂其紀 失道而 叶以百二 和釣王府則有荒陛厥緒覆宗絶 而亡 陶唐以來皆都河北是為冀州之地今 所滅以至於亡也按左氏引此章日惟彼 日明明我祖萬邦之君有典有則貽厥 三聖相傳之都衆大之 **斤為石大** 、稱也三十 同度量衡以 區送乃失之 祀 綗 朝 陶 為

鬱陶乎予心顏厚有忸怩弗愼厥德雖悔可追 章哀京都之不保也四章痛故府舊章之淪丧 宗廟社稷之 履祚按五子之歌五章一章言太康之失民也 籍規制之備 國固太康也而纂國則羿也五子之歌皆怨太 之制也藏在王府後世則之舉此一端以見典 **康之辭無忿羿之辭者自反也傳曰禹湯罪** 一章言太康之 日嗚呼曷歸予懷之悲萬姓仇予予將疇依 電光・ドオスロ 一不配也而五章哀恫以終之夫失 遊田也序所謂盤遊無度也

子之歌君子是以知仲康之宜爲君而夏之復其興也勃爲桀紂罪人其亡也忽焉然則讀五 於外以傳仲康豈亦因五子之歌而自悔者與 配也然太康雖為羿所指不能密河而猶京國 配言堅主が之四 七

亂征 告于衆日嗟予有衆聖有謨訓明徴定保 **荒于厥邑胤后承王命徂征** 哲明徵之反 **耆不共王職酒荒于厥邑者與羿同惡也** 明徵定保者即謨訓之解徵如庶徵之徵謂明 胤侯胤國之侯入為王大司馬也義和廢厥 蓮天戒以下皆明徽定保之事惟時羨和以 天之徵以定保安之計也此一語以爲網領克 して 子をとして こうじょう アナラフ 位四海胤侯命掌六師義和廢厥職 職

惟時義和顯覆厥德沈亂于酒畔官離次傲擾 其或不恭邦有常刑 執藝事以諫 先王克蓬天戒臣人克有常患百官修輔厥后 明明每歲孟春道人以木鐸徇于路官師相規 遐棄厥司 此明先王之制下證義和之罪 王 此正義和之罪也 工婚執藝事以諫豈有為天官而日食不以告 霍相日轮之四

義和 乃季秋月朔辰 唐大 之宿為文近代善曆者推仲康時九月合朔 合則日蝕可知或以房為房星知不然者且 之所在正可推而知之君子謹疑宣當以日 于房劉炫日房所舍之次也集會也會合也 尸厥官罔聞知昏述于天象以干先王之誅 , 行曆日度議日書日乃季秋月朔辰弗 **5億其形岩變** 北矣拨古文集與輯義同日月嘉曾 可性生化シール 弗集于房警奏鼓嗇夫馳废人 **欢平位以常其明脍亦含章** 而相傷則不 集

之 馳者供救日之役庶心走者為救日之態以見 之不以為繆何獨謹疑於房星哉 其事則樂師掌之 古者日有食之伐鼓于社所以攻陰而助陽也 日食之變天子恐懼平上官民奔走于下變之 也而義和掌曆象之事乃罔聞知不以 斗柄天策焞焞降婁之初辰尾之末君子言 所次星者所次之名其投 也其無天無君甚矣千先 樂師瞽者也故瞽奏鼓嗇夫 一也又春秋 之誅應上 傳 聞

烈於猛 ·欽承天子威命火炎崐岡王石俱焚天吏逸德 自 **厥渠魁脅從罔治舊染** 時者失期而怯敵皆用兵之忌也是以兵法於 軍旅者也故先時後時者皆 此必嚴無赦之 以爾有衆奉將天罰爾衆士同力王室尚弼 戒 師徒 其先時之 火 としていこうこと 徇 明節制也先時者邀功 律馬 過 政典者大司馬之 殺無赦所以 而亂陣 法 用之

克厥爱允濟愛克厥威尤罔功 其爾衆士懋戒哉 之易爾曷為申明軍律激勵威武若恐弗 遐棄厥司不甚於 或問義和之 威克厥爱如公爾忘私 此 王者之 魁威克為勉以逸 戒其及時之失 制諸侯三 "和 11 全之 1 罪 不 過 德爱克為 不朝 失職 者也意必有聚象拒命 則六 平日 癣 爾何勤 師移之 沈 戒也 亂于 徂 酒六 1 畔官 征之 師 何

即羿也曷爲奉辭 南夏 品 職也日 職 視聽久矣一 而義和首不爲用是 不禀 香座主
を
と
四 氏世其職 擾天紀之爲始亂 即不臣其君矣而 邑拒命 一朔於 [先王之制官各有 育從 旦有羿 先王賴之 伐罪不 朝 問治 使 何也 氏之 Ż 况 名其為賊 戒 俶 授時頒 間 失統 職 地 日自 室 天 以 1 將 使 天 事 而 Ē 顓帝以 紀為始 以 來 亂

光緒五年歲在屠維單閼吳興陸氏十萬卷樓 書始述其法以明其亂紀之罪終嚴其威以破 其育衆之勢也兵法莫整於胤征日先時者 濟也此武之大經 渠魁脅從 無赦不及時者殺無赦也莫仁 問治也莫勇於胤征曰威克厥愛允 也 於 胤征日 陸心 殱灰 殺 雕

湯誓 **書經注卷之五** 夏多罪天命殛之 夏予惟聞汝眾言夏氏有罪予畏上帝不 蔡氏 正 爾有眾汝日 命言之則所謂天史非稱凱也 日格爾眾庶悉聽朕言非台小子敢行稱萬有 日以人事言之則臣伐君可謂亂矣以 時型上谷と丘 我后不恤我眾舍我穑 事而 金履 敢 割

兹与朕必徃 有眾率怠弗協曰時日曷喪予及汝皆亡夏德若 汝其曰夏罪其如台夏王率遏眾力率割夏邑 欲其亡之甚也桀之惡德如此今我所以必往而曰是日何時而亡吾齒與之俱苦桀之虐而 也 民 蔡氏曰亳邑之民安於湯之 之虐湯則畏上帝不敢不往正其罪 **蔡氏日湯又言夏王** 生民皆怠於奉上不和於國疾視其居指 一重役以窮民力嚴刑以殘 德政故 也 知夏氏

朕不食言爾不從暫言予則孥戮汝罔有攸 蔡氏日禹之征苗曰爾尚一乃心力其克有 為追書也疑毫眾之怨后不恤也疑大資孥戮 世變矣履觧按讀揚誓者有三疑焉疑王 戮汝此叉益以朕不食言罔有攸赦亦可以 王受命稱王至武王稱王凡十有一年者疑 **亦然有謂民無二王桀紂未** 爲日薄也夫湯武之 音変主をと五 人致天之罰子 種王 一說者多矣有謂文 絕則未可王 爾無不 赦 動

又失之 間 之 湯 不容髮一 武興師之時是 **人其說失之**僭 拘至蘇氏之說不拘矣然 興則集 則爲獨夫者 不係於桀紂之存込也 王蓋追書也 日 間天命未絕則為君臣 獨夫矣豈 其在此時平夫天命已 即受命之 而桀紂未絕未王之 至於蘇氏 特南巢之後牧 日張子所 愚謂受 逝 而無制 則日商 謂 說 命 穪 則

亳眾 用 伐 之 必謂史臣追書不幾於嫌聖人而文之哉 後我觀成湯辨曉之辞首之 恤舍我楷事而 暴亂也自夏眾而觀則如水 名實俱不一 恤我眾舍我穡事而割正夏予畏 可無聖人之拯救也故在此之怨雖曰我 而觀 島弾士をとし 師義也而喜眾有不恤之怨 則 如在春風如在慈母不 郑已事 在彼之 怨 誓眾理固然也 則 三日汝 又日 已溺如火 天意之大在 徯我 何 郑有天 也 我 然則 、將焚 后 敢

協日 動 知 不救民也常情蔽於苟且聖人迫於天心此 之 商邑之安而不 加台夏王 以不同而已至重賞而處其不信嚴刑而 人則不可不順天也繼之 子及汝皆亡 非重賞以誘之嚴 着名がスプスコ 之 則以毫眾人安喜逸惡動夫 一率過眾力率割夏邑有眾率怠弗 而濟其弔伐之義哉然此亦誓 知夏民之危 夏德若兹今 刑 以驅之它事且 日今汝 在聖 脈必 用人安 則 益亳瓜 不 可

			人律
青亚主			<b>人之意也</b> 人之意也
青華主語之話	·		罪人不好
			子以病之
N.			皆未河
			與語聖

•

實 仲 虺之語 其臣民眾庶也南巢今無爲軍地桀奔于謂仲虺必對眾而言非特釋逷之鬼而且 虺臣名大戴作仲傀史記 奚仲之後為湯左相趙臺 放桀于南巢惟有慙德日予恐來世以台為 /處之 周禮許用之會同此告湯而亦曰許 叉腸始為之故自以為有可愧之 新延主会と言 必對眾而言非特釋湯之 放焉 放伐之事終不若傳授 一卿日 作中

間

有

子

作 削萊 工 、也語

仲虺乃作誥曰嗚呼惟天生民有欲無主 陳 世無君 此 湯憂以天下 知而慕之者湯武征伐而得天下後世嗜利之 明上天立君之理也天生聰明以义 氏日堯舜以天下遜後世好名之 聰 明時 ラオメイト 者指 不以為口實哉此揚之所為恐也 萬 义 邦續禹舊服兹率厥典奉若 有夏昬德民墜塗炭天乃 為實以藉 此 又憂後世聖 口也 人之心量 觀湯許之書 加

清明之氣而使之智以無所不知聚 天下之心桀墜禹之緒而湯承之又率其所 乃云續禹舊服者禪繼征伐前後聖人俱一 而使之勇以無所 綱天下之典是則湯之興所以繼 天君天下之責也林氏日齊宣王問孟 放桀武王伐紂有諸孟子曰賊仁者謂之 野巫主俗とも · 錫王勇智者葢氣化聚而生聖-「謂之殘殘賊之人謂之一 不能爲也用傳雕 夫 聞 禹也 而湯 剛厚之 誅

受命用爽 誣 有罪矯誣上天以 言民途炭湯受績服之命作 無以主之爲之 **神其說以** 命湯受爽師之命作之 厥 師是 師 而 令 何孟子之 山崎 於 者是也用爽腻師師眾也 眾 經上天 也大學所謂架 吉 命于下帝用不臧式商 則仲虺之意 師 賊焉則君 也 命于下蓋 武 紂 也 所介 世 一假 質

若栗之有私小大戰戰鬥不懼于非辜矧于之德 惟王不避聲色不殖貨利德懋懋官功懋懋賞用 言足聽聞 簡賢附勢塞第有徒擊我邦于有夏若苗之有養 人惟已改過不吝克寬克仁彰信兆民 此章自勢言之則湯亦不得不爲朱子嘗謂 武之勢當亦住不得觀揚此時亦正如此 簡賢附勢意不相對疑有脫誤 足漏也上文二節自理言之則揚固為所當 自此下二節因上文以述德言足聽聞之實也 言型とよいこ 

其蘇民之戴商厥惟舊哉 **奚獨後予攸徂之民室家相慶日徯子后后來** 理中明夏商疑忌之勢下明人心歸慕之 此 王師之來則弔伐之事决不容已而鳴條之師 於 亦承上文而言征伐一 仇 人孰不信也 可不為亦不容不為矣此皆所以釋湯之 飾 必為之也已上五節上明天命君師之 身無所私而惟與天下為公如此有如 れたオスペコ 初征自葛東征西夷怨南征北狄怨 動而四面 人心俱塞 極則

德 伯賢輔德顯忠遂良兼弱攻昧取 慙也 邦 命德 簡賢附勢者 此言命德討罪之責撥亂反正之 乃其昌 討罪實在於湯鳴條之 大手がにとしるにない ここん 方釋湯之 於鳴條之戰而遂已也此章以上皆 此下皆勉湯之辭 惟懷志自滿九族乃離 既緊則公道 慙而又勉其日 晦蝕是 一戰自不可已然 亂侮广 非不明久 新 一規夏之末 THE REPORT OF THE PERSON NAMED IN 光

後昆 一愁昭大德建中于民以義制事以禮制心語務 戒之忠愛之深則周防之密揚固未必有是 責躬不可無亦不可長留在心為悔悔則不 仲 固多自阻 矣然而又慮其自滯何也人之常情有 也故釋其慙而勉之防其已釋而自滿也故 此承德日新之意而言也懋昭即日新之推也 者無過不及之正理學天下事物莫不答 虺之論亦不容踈也 護絡 泊半 ベヨ 而謂無所慙者又多自滿防其自 **所慙者** 而 進

中至善之宜而無過不及立之體以制天下之 之以馬準焉以義制事以禮制心即建中之 此承志自滿之意而言也 心使人心各循於規矩準縄之內不偏不倚經 自然之中民心所本具而不能自明故聖人 有餘裕也豈有來世口實之憂哉 目也立之義以制天下之事使萬物各得其 既立人心風俗已正雖傳之於後世固綽然 日能自得師者王謂人莫已若者亡好問 **善經生卷之五** 九日

嗚呼愼厥終惟其始殖有禮覆昬暴欽崇天道永 保天命 禮覆唇暴謂益廣其顯遂兼攻凡撥亂反正之不遜不殖改過寬仁之德德言來蘇之舊殖有 此總一篇之意以終之謹終惟始者謂勿失其 理勢不可不為之宜其為天子也亦有得失與 終篇首之意然則湯之得天下也固天命人心 規欽崇天道即日新昭德之謂而以永保天命 一不可不謹之慮此篇之意最爲深密讀者

性 眾 一歸自克夏至于亳誕告萬方 明聽予一人誥 以 克綏厥猷惟 莫不由之則謂之道 一然之中無週不及者付在 | 其受於人心則謂之 形體謂之天以主宰謂之帝衷中也如六藝 衷於夫子之衷叛定也猷道也古文作繇 一理化生斯人舉凡 **書經注卷之五** 皇上 一劉子 性自其達於事物之 一帝降衷于下民若 所謂民受天地之中 人倫庶物莫不各 人心故謂之 嗟爾萬方 峰 蓋

以 之謂也蔡氏日夫天生民有欲者以情言也上 人定之以仁義中正 則 帝降衷于下民以性言 之安行於是者 無清濁純駁之殊故必有任撫定之責以各使 也 固 成湯原性以明人之善聖賢 生是以 其意則皆言君道之係於天下 同此不偏 有動作禮義之則是也以降衷 此所以為之君也周子所謂 不易之性以氣禀而 而主靜立人極焉蓋綏 也仲 虺即情以 之 海 耳 言 如此之 言人之 則 猷 能 言

肆台小子將天命明威不敢赦敢用立牡敢昭告 爾有眾請命 夏桀不克綏猷殘民之性非天所命爲天所棄 福善禍淫降災于夏以彰厥罪 也 猶 王滅德作威以敷虐于爾萬方百姓爾萬方 此自敘其受命之事元聖伊尹也湯類上 一天神 稱夏王從其始也此聖人忠厚之意也此效 其凶害弗忍茶毒竝告無辜于上下神祗天 書經生卷之五 后請罪有夏聿求元聖與之戮力 リ典

民 李允 避 之 師 丽 孚佑 病 學者 桀 碷 罪 而 學 皆信實之意謂上 枚 也 爾 程 黜 Ŋ 民 不 回 有 罪 伊 以 伊 草 言 奔 別夫 木之 黜 爲 南 聖 巢也為 伏 為 聖 人 微上 山 天之 兆 天命 聖 至公 者 巐 避 意信在 弗 湯 僣 何 責若 成 生 寫 避 故 嫌之 於佑 民之 爾此 湯 長 之 信 草 爲 稱 民 有 學 E 者 故 者 鉫 兆

伸子 帝之心其爾萬方有罪在子! 人子! 凡我遭用無從匪髮無即慆淫各守爾典以承天休 慄危懼若將隕于深淵 爾有善朕弗敢蔽罪當朕躬弗敢自赦惟簡在 此承上文而言天意信在於民故黜夏而命我 此皆 所以 見者以示人也 此其責亦重矣故惟恐其不足以當之也 殖 之而 一人輯窗爾那家兹朕未知獲戾于上下 は国際においたところ 不欲遏絕之也明矣蓋揚指天心之易 一級献也 E 人有罪無 <mark>慄</mark>

Y) **喝吁尚克時忱乃亦有終** 爾萬方 養之 **忧信質也吳氏口此兼人已而言** 簡 皇 光明之心公誠忠恕之道也 如大閱簡車馬之簡萬方有罪蓋教之 人朱子謂此意是湯見得此章尤見聖 子曰自虞書危微精 不遂處之失宜皆不克綏猷也故曰 言れた オスコ 一府降衷于下民若有恒性克綏厥猷惟 以亞之性之爲言實 數語之外惟 在 予

我造 與武成大不同矣 即 厥猷惟后爲 賣兹 狀未 知獲 展於上下 嫰 然 戒 謹 恐 懼 之 意 **桜猷之姓是其爲書辭忱義密當爲語書第** 殺猷而萬方有 級猷之反與眾請命輯宣邦家即任級猷之 邦無從匪择無削怕淫各守爾典是 は近年後とは 罪在了一人即自任以 生 乃 所

伊 伊 惟元祀十有一 訓 尹祀 **今文尚書** 謂玄王以下祗見厥祖奠于殯宮告即位 |年之內事死如事生 丑為 先王奉嗣王祗見厥 殷禮益當喪即位冢宰攝祭告也先 惟太甲元年十有二 其書始即位曰元祀十有二 誕資有牧萬明胡文定日前乎周 月乙丑 **、朔則月不改也** 故日祗見厥祖 温 一月乙丑朔伊 声 也

**神尹乃** 侯甸羣后咸在 百官総已以聽冢宰 先后方懋厥德罔有天災山川鬼神亦莫不 開先 言酮也 孔氏日古者君薨百官總巳以聽冢宰三年 孔氏日在位次也 此言夏后氏之盛 、歐魚路成若 即言烈祖之成德以訓于王曰嗚呼古 王即成湯則書解為重複而喪奠亦不 国の対かない。 應

鳴條朕哉自毫 家那終于四海 惟我商王布昭聖武代虐以寬兆民允懷 丁其子孫弗率皇天降災假手于我有命造攻 **鳴條之野朕哉自亳者哉始也始行天子之政** 此言太甲酮位之初所以接續成湯之德正 於亳邑也 此言夏桀之所以亡也造攻自鳴條者伐桀於 此言成湯所以承天造攻哉自亳之事也 一嗣厥德罔不在初立愛惟親立敬惟長始王 首座上台とに 赶

鳴呼先 明爲下克忠與 百 **邦兹惟艱** 所以立德之本自家而國而推之天下者也 此時也天子當喪雖未親政然愛親敬長此 了及遠即孝經所云愛敬盡於事親德教加 姓刑於四海是也 氏日先愛其親推之以及疎先敬其長推 親 王肇修 神がないてい |章因||声成湯之德所以至||于有天下 親仁 也敬長義也無他達之天下也 人不求備檢身若不及以至於有 人紀從諫弗哪先民時若居 盂 克 即

敷水哲 敬之 求備 哉 善 盏 紀 亦 遊 先 刨 事 推積德累行以至于有萬那此豈易 則容眾檢身若 | 東京としない ニエ 宮 時 牌 倫 之 親 謂淫風敢有侮 輔于 調之 明為 細 親長長諸 訵 從 制于室胡 爾後嗣 綗 克 弗佛先民 則舉其倫 忠 事始 制官 及 謂 則 則 虚 所 巫 時 風 刑儆 調 之 敢 若 大 肇 新 /謂之 忠直遠耆 بغ 有殉于貨 修 Ę 有位 道 順 此 )與人 亦皆 古今 紀 紀也 事 則 笆 敢

具訓 也太甲上 **頑童時謂亂風惟茲三風十愆卿士有 敞隔句韻語末句箴體此成揚所作以箴有 家者常使人誦之也殉隨死之** 又制官刑以警有位然其為戒則亦言言藥石 一文言創業之事此又言垂統之道以警太甲 喪邦君有一于身國必亡臣下不匡其刑 于蒙士 一尤不可忽也故因舉以戒太甲焉官刑之 王所戒詳矣昔先王求哲人以輔後嗣而 電視的ない人子 一繼先王之德必戒 已之 病 其病 墨

鳴呼嗣 近 誦 者常使瞽 **尤重而** 國 窮 財忘 之 也 **碩冥少年之** 以為戒也或 此蓋養 此 胝 生 謂童旨窮 迹尤危矣具訓于蒙士 已防其縱慾之 一縱然也 此足以 誦詩工 **脈身念哉聖謨洋洋嘉言孔彰** 正 於 人國語史伯常譏幽王 誦 致喪亡 陋之人也卿 北 初也此伊尹 云自其為童蒙之 箴諫蒙即職也謂使蒙 頑重與遠耆德 漸矣 而況於天子 所舉之以告 盎古人 士有家 • 一初固巳 相 近 反 國家 頑 童 訓 煠

謨 德罔小萬那 行 行之說也凡此皆誘掖幼主之辭防其 嘉言甚 此承上文官刑之戒使之敬身而念之 一帝不常作善峄之百样作不善降之 文嘗 訓固多廣大深妙之理若 言 明白易知易行王 新之 惟慶 際伊尹深恐其有所恃也故言 假 手伐夏之事矣太甲嗣湯 爾惟不德罔大墜厥宗 滬 |所當念初非高遠難 祥皆應之作 此官刑之 百殃 也聖 興覆之 訓 則其 爾 正

萬 弗 惟 去也 抵德 愛親敬長終四海十愆有一必喪亡之 厥宗伊尹誘掖太甲之 慶 大小善無盆而弗爲也故又 殃鴯皆應之天命 固 惟慶恐太甲以 野巫主糸グ元 德雖 放又 艇 爾 小 也 丽 意所趨者善其效積至於萬 爾 而意之所趨者惡其效終至 惟 不德罔大墜厥宗亦 十愆之 特也恐太 意可謂卑而引之 戒 日爾 爲 小節無傷 甲以 惟德 說 所 罔 湯 也

伊尹作書曰先 惟嗣王 太甲上 万惟尹躬克左右 稷宗廟罔不祗肅天監厥德用集大命 躬先見于西邑夏自君 惠順也謂不 **商尊伊尹爲保衡猶周尊太及爲尚父也** 不惠 **自邓王安35日** 王顧趧天之明命以承上下神 順伊尹之言也 阿衡 亦罔終嗣王戒哉祗爾厥辟辟 厥辟宅師肆嗣 有終 相亦惟終其後 阿即保 王丕承基緒 也衡平 撫绥萬 嗣

心之 君 來皆作自周有終子王子謂周當作君按古 一商居 甲之心為 作商與周相似故談之也清霞經說亦作君 當敬 故伊尹以先王 商丘視夏為西也自君有終漢孔氏 理勿使為人欲所昬也四邑夏夏都安 所 此天 人欲所昬不能求其放心不復 謂明德也顧疑明命謂常管顧 目在之 理 | 烱然在中對 朱子取之明命 顧諟明命之心法告 越 天之 八地鬼

符旦 旁求俊彦啟迪後人無越脈命以自覆愼 率乃祖攸行惟朕以懌萬世 惟庸罔念閒伊尹乃言曰 之事皆尹親之又恐太甲以天下之事恃有 本既撥則相亦末如之何矣此以警太甲也 尹不復省也故又言夏之先君克終其責則 師眾之民則是成湯中心無為以守至正安 得終其潰葢天下之本在君雖有腎 亦得以終其責其後劇王罔克有終則相 **永 圖 岩 虞 機** 献も思りた 先王昧奏丕顯坐 和岩

脨 俾 明 加於伊尹此言若 所求之賢孰有大於伊尹所以託孤者亦 **侈放戒之曰謹** 脢 發達 惟庸罔念 輔 旦坐以待旦須明行之 記 事 すぎら ここ 孤之 明謂夜而初明之 爾後嗣 且繼 不可遏也此即先 此必其不 此日旁求俊彦嚴迪後 伊尹 自 **岭德必苟目前**故 「願覆 É 知以伊尹言為重也 **厥命以自覆** 也前篇日敷末 時 指者蓋嗣王不 顧提之 太甲之失必 顯者此心之 功也 則不 人成成 哲 惠 孰 可 湯

法若其行事則一循乃觚之跡勿妄爲以 海州人穿地得 望山之度擬之準其高下正用算家勾股法 **度高深書往省括于度疑此乃度也欽厥止** 爲小矩如尺之有分寸原其實以目注 之也然亦惟欽則能率乃祖攸行 未接物之時此心須存敬畏此削顧諟丕顯之 圖其為事也必輕發故又曰若虞機張徃 度則釋漢漢人掌射獵者也機爲牙也强 所謂職職往將發矢也括于度沈存 移機其筆山甚長筆 

宮居 憂克終 允德 **那順營于桐宮密週先王其訓 無俾世遂王** 一未克變伊尹日兹乃不義習與性成予 然矣此不可不愿也狎習見也不順言太甲所 禀赋之不善也其為不義習而熟之則若性 伊尹所言事事藥石王卡克變葢人欲熾雨不 為不順義理也伊尹當見夏桀之爲弗順矣今 能自克也兹乃不義習與性成太甲顯覆非 **省天子居憂則在梁闇太甲之為不善以其深** 又見太甲所爲不順覆亡之事豈可常見哉古 弗狎 一個桐

身迷也煮蒿棲愴以起其思悲哀哭泣以感 使之居憂於此所以訓之母俾世迷勿使之終 念服衰疏食以阻其 恃而驕也故伊尹營桐宮以處之桐濫湯葬地 此伊尹不言之数一大鑢冶太甲所以克終 而民哀之太甲此時騎奢淫泆之氣剥落殆盡 **愛則王於用此亦大臣之不幸也** 居宮中有與之習者又其貴爲天子心必有 也與伊尹之訓深切著明而不 修座主能と丘 騎墟墓之間未施哀於民 順不聽又不 些

度縱敗禮以速展於厥躬天作孽猶可違自作 休 |拜手稽首日子小子不明于德自底不類欲 甲 伊尹奉迎太甲之僻本謂民不 舉君民相須之義葢言言警戒也已上皆伊 慶懌之 H 一
祀
十 一民非后阎克胥匡以生后非民罔以 Light factor aller part 有一月朔伊尹以冕服奉嗣王歸于 辭 有商俾嗣王 一克終厥德實萬世 可無君耳 Ì 敗 對

德 可逭 事 招 放廢 6 明 顕 制欲者情之流縱者事之放也速戾 相 既徃背師保之 于德 厥終 也孽災 反 心也底 謂 理是以自致其身於不肖 致也 也 知有 速 所以 太甲自述 放廢昔成湯以義制事 類肖也度者 **訓弗克于厥**初尚賴匡 此心之 為後人者俱有 天理 其受病之 心之則禮 此正與顧提 太甲颠覆 而 惟欲 原 縱

伊 承王 豫启奉先思孝接下思恭視遠惟 尹 太 由 之 惠困 甲 **後我后后** 言意之 拜手檐 放廢之 休無斁 上書をしたいというだろう こん 窮 民心昔先 節 事怨艾之實求誨之眞克終之 間 身自修而已自修之 鯏 省 民 矣 覆今雖自悔豈能遽学於天 來無罰王懋乃德 服 修 厥命罔有不悅竝 厥身允 意愛民 德 恊 一視之 一實苟至 視乃 明聽德 其 烈 有 惟聰 則實 祖 明后 那 無 腏 時 先 德 朕

實意故民悅 騎悖則接下思恭一惟賢德之 | 顯覆則奉先思孝一惟 則必有安無危此其允德之恊于下也太 厥 則明無不及聽不蔽於 祖 知受病之 大所聽德言 勿一時怠豫可矣不必它求也改前受病之源自戒既往之失但懋乃德 声紹金月倉之王 一要 服於下而隣國之民亦戴之知 也 源自戒既徃之 則聰明 邪侫 祖德之 開也此四言 則聰無不 順視不蔽 循戒前日 徳 於 之 甲

常傻懷于有仁鬼神無常享享于克誠 太甲 位 ,尹申誥于王 謂德惟治也 事罔不亡終始愼厥與惟 誠則眞實之意 而與之同事者罔不亡治言道順理而行者 三者俱無常而皆不能外乎德敬與誠分言 艱哉德惟治否德亂與治同道罔不興與 一艱哉承 書經生卷之五 而與之同道者無不興否德 日嗚呼惟天無親克敬惟親民 無常者 而敬則加謹畏所以事天也 而言也德即敬仁 明 明后 麦 一誠 亂 罔 亂 之

先 즲 剣 兹 典 始 哉 常 明則 惟時懋敬厥德克配上帝今王 息之昬也 之 異事 其德 惟 知者矣此 慎其所 照察 則悖道之為也然道 時愁敬 機 们 與同者 無極叉安保 所以君 厥德 及 即有與治道異與亂 極 則 惟 心常欲其明而不可 一於克 其不與之 明明之 明 無終窮安 明之 配 君 的亦 嗣有合 同故 能之 則 事同 保 惟時 必 其 緒 時 終 親 尚

安派位 伊尹言成湯盛德配天之盛又恐太甲或憚 其與治同道之實也 天位之 下若陟遐必自逦先於民事切 一惟危慎終于始 心必自 `懷神享不待言矣今王嗣令緒監兹 難及或忽於近而躐等故又言若 此皆 まずだらに こびょこし 汝心必求諸道有言遜于汝志必求 製難而謹其身然欲謹 下若陟遐必自邇無輕民事惟 為之有本行之 有漸者 而 則 嗚呼弗慮胡獲弗為胡拔一人元耳萬那以貞 逆必先以道求之遜志之言亦未必皆非道 逆心之言不可以其展於已而不聽 但諛言多甘必先以非道求之若遊心而先 之言不一遊心之言雖未必皆道也但忠言多 道合於道則忠言也遜志之言不可以其順已 非道此又勉以聽言之道也亦自下自運之 輕信 遜志而即以爲善則逆忠聽侫多自是始 再般沿着之王 也必求諸非道非道則諛言也蓋天 也必求諸

林氏句 人求多聞時惟建事學于古訓乃有獲事不 以克汞世匪說攸聞 求其心也總之日事不師古以不學前言往 則不能長世也 則不能長世也 則不能長世也 惟 日王 訓乃有獲事不師古 小學前言往行心學古訓乃有

修 初 修之業 **新為學之道也學記作** 不來矣故遜志務時敏爲學之道 躬 者忽不 子曰遜志者遜順其志 所以 債 人自 者 之 加思悠悠度時者或作或 學 來之多也然王者之 來也允懷于茲二者 功亦半也念 者學 也而敎人者 敬遜務 教人 終始 又須 時敏其說 時 發 亦學 學位 則 明 惟此一 敂 若 輟 道 乃積 則其 高 居 端

過前 早之 為教 交修之 爲 勿心 默 極. 此章方言為學 思道 喻險竭 至于道 學相長此朱子之 語が発生がラント 阶欲 無者昔朱子嘗謂高宗舊 其舊學 求 [1] 適 所按 志 知 中 肵 必有懸慮過高之 未及教人也履祥竊謂高 敂 pJ 謂 製學半之云自 而傳說導之卒就平 思而 説 調 所由 之講 不學 突然舊 紒 本 學自 則殆者與 前 明 病 學記 學之功 精 炉 故

是 舊 道 兖 之 至 則 知 之 以傳說於其所學問充積之後又欲其接 學之 之學尚 盤 之 所 功蓋 何 思所謂念終始典于學念則思也思 相 如 者 一得諸 欠故 人其 聖 並 証 剱 人妙 進思而學 未 厥 所 之域矣子王子曰遜志則有 盤之 回成 學何 德之修至于罔覺葢忽不其 間 斷之患其來 )所教但於 則所思者益實學而 工夫細密 耳 此 所 訓 **敦學**之 其 稽 積皆自 古講 宗恭

知

思

細

默

田山

明

格

今嗣 顯而此又言終始惟 人惟天降災祚在德 則其德日新伊尹嘗言顧諟天之明命昧爽 文言桀之所以亡商之所以興此總結之以 見矣此章言商以一 太甲也 此 振作精明之謂然必終始惟 動罔不 新服厥命惟新厥德終始惟 いずえに これる こんし 德言不以位言也伊尹聖之任氣象 吉德二二 一時乃日 德而與 動罔不凶惟吉凶不 新聖人心境 1 時乃 接續不 新

其難其惧惟 篇首 言也大抵 石輔相也賢有德才 惟當得其人而任之蓋輔相之職此聖賢之 臣之 惟賢才左右 德故此又論臣之當有 言 此 可 伊湯咸有 於賢且才也四為字皆 見 任用庶官惟當擇其賢才左右輔 和惟 惟其人臣為上為德為下為民 一也為輔 一德上 有能其 文既勉太甲以君 一德也官百官也 人則通聖賢而為 從去 Ħ 聲 相

德無常師主善惟師善無常主協于克 謂君臣肠和為貴則當成有一 為君臣相遇之難則當謹審所任也惟和惟 之嗜好從欲也其為下也為利其民耳而非為 定也協如國語同民協孤終司徒協族之協蓋 **参會考比之意古今之德皆可師也而制行不** 言善指理而言一 **此論人君修德擇善至止德而止** 身之利禄妻孥也此臣之一 不可拘一定之師惟在於擇其善而已天 **翡翠生食艺**店 **指心而言商法也善是也常** 一德也其難其慎 德也 一也德指行而 手

從之所謂審其是也然善無定主拘一事也或 益古今德行或柔或剛或正直或清或和或無 為或勤勞在我不可拘一定之法必擇其善者 也或用之此專則為非而用之彼時則為是者 施之彼時則為是而施之此時則為否均一 此古語所謂移是聖門所謂時中所以參比會 所以參考比之者又在於此心之克一而 雖善也而隨時取中則又不可拘一定之 者非純誠有定之心其孰能精擇而無差 一一一 節

不獲自盡民主罔與成厥功 禄派底烝民之生 此又發明餘意警戒以終之七世之廟可以 民問使民非后問事母自廣以恢入 呼七世之廟可以觀德萬夫之長可以觀政 此由 萬姓咸曰大哉王言又曰 之語 四言但舜大聖人官 耳朱子曰舜之語如春生伊尹之言如秋 昏胚生をと五 德而推言其政化之效以申常德保位 師派倫伊尹之言較關 战王 垩 觀

危微精一四語之後惟主善協一 君者又若此 素志視一夫不獲則曰時予之辜故今所以告 德 之然此四語者即惟精惟 者矣夫人一有不得自輸其情別上不盡下 以知大君民理本相須人主不可有自大 履祥投咸有一 不親上而事不行矣人主誰與成其功哉伊尹 小它人之心一有是心則入有不得自 即前可以知後萬夫之長可以觀政即 **德之篇以論學言之前僑謂** 允執厥中 四語足以 一輪其情 一語 而 繼 可

之 與聖人之言有間 與憶其弊也人矣又以成書 整首論天命之靡定以德之常不常為存亡之 之后眾守邪四海困窮之語伊尹告太甲一德 子語理者或遺事論心者或外天下國家母乃 之體觀之自阜陶謨之外惟 分常即一也以桀之亡證之不常其德者也 **火以一與二三所以致與亡於天者總之遂勉** 旨即終之匹夫匹婦不獲自盡之戒今之 興證之成有一德者也一興一亡旣明則 **彗堅主於公丘** 加詳焉夫舜授禹精 一德之書最爲明 執中之旨 長

德無終始之間亦不可有小大之間故嗚呼以 **所以能擇天下之善而時天下之中焉者俾萬** 太甲以一德之工夫焉既勉君之一德叉求臣 姓以下則 傳於書太甲不明賴師保之訓伊尹於是始 成湯之君君 其為書未有明整於此者伊尹以元聖之臣 又推其餘意警戒以終之終始相生枝葉 一德而以惟和惟 三年ポシススト 自 德之效以終常德保位之語然 俱聖其相與議論經綸之 甲 總之協于克一則

終之一德之書如此太甲所進於此亦可窺名 此皆萬世之幸後之君臣宜熟讀而精思之 事型とさいて 臣

光緒五年歲在屠維單關吳興陸氏不為粉樓重雕 帯角心をスコ 陸心源校